

नेपाः देया हे छगु गौरवतां जागु
नखः मोहनी या लसताय्
सकल नेपा मि
पिन्त थ्व नखः भ्र भ्र धायक
हने फयमा धकाः सुभाय्
देछाना ।

ज्यापू महागुथि
का.न.त.स.

भिनिगु तीर्थया

पुलां - म्ये



मुनादिम्हः
त्रिरत्न महर्जन
कोहिटी, यें ।

पिकाकः ज्यापू महागुथि
का.न.त.स. ये ।

न्हापां: १२५० पा ने.सं. १११५ आश्विन शुक्ल पारु
बि.सं. २०५२ आश्विन ९ गते

याकुथि बाणी अफसेट मुद्रणालय, टेकू
फोन: २१४९७१

ग्वाहालि: ५ तका ।

भिनिगु तीर्थया

पुलां - म्ये

धलः पौ

१. पुण्यतीर्थ व शान्ततीर्थया म्ये	२
२. शंखमोलया म्ये	३
३. राजतीर्थया म्ये	४
४. मनोरथ तीर्थया म्ये	४
५. निर्मल तीर्थया म्ये	४
६. निधान तीर्थया म्ये	५
७. ज्ञान तीर्थया म्ये	५
८. चिन्तामणि तीर्थया म्ये	६
९. प्रमोद तीर्थया म्ये	७
१०. सुलक्षण तीर्थया म्ये	७
११. जये तीर्थया म्ये	८
१२. मणिचूडया म्ये	८

पूण्यतीर्थया म्ये

राग:- धनाश्री

ताल:- जति

मञ्जुश्रीनं वास विल नागराजापिन्त ॥ ध्रु० ॥
 वागमती अमोघ फलदायनी संगम जूगु पुण्य तीर्थ
 सोधन तीर्थसं तक्षक नागराजां
 वास याना दिल वस्पोलं ॥ १ ॥
 तीर्थसं सेवा याना वालुवाया चैत्य थाना ॥
 होम आदि पूजा याना उपोसत ब्रत दना
 माहारोग शान्त जुये माल ॥ २ ॥
 नाग खना गरुढनं यने धका लवाना च्वन ॥
 नारायणं लोकेश्वर हरिहरं वाहनजुया वंगु नारायण लोकेश्वर ॥ ३ ॥
 चैत्य अनाथ सिसे दौन फक्को क्षमा यासैं ॥
 दर्शनसलं पाप फुका दश पारमिता
 लाका सुखावती वास वियेमाल ॥ ४ ॥

शान्त तीर्थया म्ये

राग:- कोला

ताल:- चव

जय गुहेकाली जगत जननी शान्त तीर्थ दयेकाव ॥ ध्रु० ॥
 वागमती मारदायनी शान्त तीर्थ सं ॥
 सोम सुखी नागराजां वास याना दिल जय ॥ १ ॥
 माहादेवं ल्वापु याना पार्वती विस्युवना ॥
 गुहेश्वरी शरण कया गुपतन तोकपुया ॥ जय ॥ २ ॥
 तीर्थसं सेवा याना वालुवाकया चैत्य थाना ॥
 उपोसत ब्रत दना क्रोध शान्त जुयमाल ॥ ३ ॥
 ब्रम्हा, विष्णु, महेश्वरं पूजायाना चोन अन ॥
 पार्वती बरदान फोनाव यन ॥ जय ॥ ४ ॥

शंखमोलया म्ये

राग:- श्री

ताल:- जति

वागमती मणिरोहिनी रुद्र धारा शंखमोले ॥ ध्रु० ॥
 शंखमोल तीर्थसं शंखपाल नागराजा ॥ वाग ॥ १ ॥
 पांचाल देशया गोपाल साः जोवल
 तितीसि खाना धोपे दुन ॥
 धर्मकुवलं वानरं याना गोपाल तरे याना बील ॥ वाग ॥ २ ॥
 गोपालं वानर नये धका लोंतं कयका स्यायतेन ॥
 अघोरं पाप लाना महारोग जुया वन ॥ वाग ॥ ३ ॥
 वाके छूवत महाराजं जंगलसं पापीयात ॥
 शंखमोल तीर्थसं सेवा याना तरे जुल ॥ वाग ॥ ४ ॥

राज तीर्थया म्ये

राग:- बसन्त

ताल:- परताल

पचली भैरवनाथ वागमती तीरसं बिज्यात ॥ ध्रु० ॥
 वागमती गंगासं राग मञ्जीरी नदी संगम जूगु तीर्थसं ॥
 जुजु तीर्थसं स्वरूप नागराजां वास याना दिल अन
 राज्ये वरदान बिये धका ॥ पचली.... ॥ १ ॥
 वन्धुमती देशया वरण महाजनया पुत्र व अल्लिना जुया ॥
 देशे उपद्र याना लोक दक्को हाः हाः याका
 फोना फोना नय् मखना व ॥ पचली.... ॥ २ ॥
 ज्ञानी गुणी लोकसेन व वालख खनाव तीर्थसं सेवा याके छूवत ॥
 तीर्थसं सेवा याना वालुवाकया चैत्य थाना
 राज्य फल पद लाका च्वन ॥ पचली ॥ ३ ॥
 वरण महाजनं थव देशे थेनकाव पुत्रयागु खबरसं जुल
 राज तीर्थ थेनकाव पुत्र यातः व्वनायेना
 राजा जुया सुख भोग चोन ॥ पचली ॥ ४ ॥

मनोरथ तीर्थया म्ये

राग:- बसन्त

ताल:- परताल

ऋकुछन्द तथागतं केश चुइके हल ॥ ध्रु० ॥
 केसवति बिमलावति मनोरथ तीर्थसं कुलिक नागराजा वास ॥
 अपूर्व मृगयात पांचालं राजा खना
 स्यात् धका लितु लिना जुल ॥ १ ॥
 तीर्थसं मृग सिना व्याघ्रया जन्म काल
 राजा सिना वराह जुल
 पूर्वया शत्रु जुया अघोरं युद्ध याना
 तीर्थसं सिना तरे जुल ॥ २ ॥
 देवराज इन्द्र थुगुली पुण्य खना
 तीर्थसं सेवा याना जुल ॥
 मनहरा मिसा छम्ह तीर्थसं सेवा याना ॥
 इन्द्रायणी पद लाका चवन ॥ ३ ॥
 स्वर्गसं इन्द्र मदु रति विरति वया
 तीर्थसं सेवा याना चवन ॥
 मनोहरा देवी याके भिक्षा फोना
 इन्द्र यना स्वर्गसं भोग याना चवन ॥ ४ ॥

निर्मल तीर्थया म्ये

राग:- मालश्री

ताल:- जति

निर्मल तीर्थसं बिज्यात श्री जोगिनी
 आकाशवाणी जुयाव रे ॥ ध्रु० ॥
 केशावति सुवर्णावति निर्मल तीर्थसं
 अपालस नाग राजा वास रे ॥
 पांचाल देशया वज्रपादकं
 अर्थदान याना जुल रे ॥ १ ॥
 देश पतिं सेनानं फल काय मफयाव
 विरहनं नेपालसं वल रे ॥

नेपालसं थेनकाव निर्मल तीर्थसं
 जप तप ध्यान याना चोन रे ॥ २ ॥
 तीर्थसं सेवा याना बालुवाकया चैत्य थाना
 मशानसं जप याना चवन रे
 ईश्वरी प्रतक्ष जुया आकाशवाणी जुया
 अष्ट सिद्धि फल िया बिज्यात रे ॥ ३ ॥
 चैत्यया प्रभावनं देवी प्रतक्ष जुया
 भक्तजन रक्षा याना चवन रे ॥
 अज्ञानी बालख सिसे बाल ससुमाजु जुसे
 बाल जन रक्षा याना चवन रे ॥ ४ ॥

निधान तीर्थया म्ये

राग:- जय जयन्ति

ताल:- च्वो

दीनचुड राजकुमार करुणाया धनी ॥ ध्रु० ॥
 सन अन म्हिता नया फुतकल जन धन ॥
 जुल अन बिपरित फोना नया अन ॥ दीन ॥ १ ॥
 वल थन नेपालसं ध्यन निधान तीर्थसं ॥
 नल थन पित्यानाव न्या लाना कचिकनं ॥ दीन ॥ २ ॥
 केसावति सुवर्णावति निधान तीर्थसं ॥
 नन्द उपनन्द नागराजा चवनथासं ॥ दीन ॥ ३ ॥
 तीर्थसं सेवा याना चैत्य थाना पूजा याना ॥
 फल बिल नागराजां सुवर्णया घत ॥ ४ ॥

ज्ञान तीर्थया म्ये

राग:- विभास

ताल:- लंता

अज्ञान शोधन राजा विरहनं नेपालसं वल ॥ ध्रु० ॥
 थप राज्य माहारानी मन्त्रीगण पनिसेन
 अपमान याना जुगु खना ॥
 सह याय मफु मन दुखनं राज्य तोता वल थन ॥ १ ॥

केशावति पाप नासिनी व अज्ञान तीर्थसं
 बालसुखी नागराजा वास रे ॥
 व अज्ञान शोधन राजा तीर्थसं
 सेवा यानाचवन अन ॥ अज्ञा ॥ २ ॥
 आकाशवाणी जुया तीर्थनं आज्ञा जुल
 दक्को पाप फुत राजा आव ॥
 तीर्थसं मृतु जुया राजकुले जन्मकाल वन अन ॥ अज्ञा ॥ ३ ॥
 शत्रु दक्को पितुनाव दुख दक्को फुतकाव
 धरमसं राज्य भोग यात ॥
 तीर्थया पुण्य याना तरेजुया सुखावति वास लात
 अज्ञान शोधन राजा विरहनं नेपालसं वल ॥ ४ ॥

चिन्तामणि तीर्थया म्ये

राग:- रामकली ताल:- चवौ

न्योहुने श्री भगवान जिगु दुख बिनति याये ॥
 परापूर्व कालसं वसग्राम नगरसं सेन महाजन छम्ह दत
 वयापुत्र कोतिकर्ण मामयाके विदाकया
 रत्नाकर वन्य धका पासा दक्को मुनकाव वन ॥ १ ॥
 जंगलसं थ्यनकाव काल वायु वयाव फसनं कोतिकर्ण यन ॥
 ऊँथन यनकाव कर्मभूमी थ्यनकाव प्राणिपिनि दुख कष्ट
 कसाईया कर्मसं भोग क्यन ॥ २ ॥
 प्रेतयागु वुखं ज्यना थव मन अतिज्ञाना
 विरहनं वस ग्रामे वल ॥
 थव देशय् थ्यनकाव कसाईया वुखं कनाव
 थव मृतु जुल धका न्हूगु सतः शीलापत्र खन ॥ ३ ॥
 वागमति केशावति चिन्तामणि तीर्थसं वरुण नागराजा वास ॥
 चिन्तामणि तीर्थसं बुद्ध चैत्य दयेकाव जप तप
 ध्यान याना बुद्धयागु शरणसं वन ॥ ४ ॥

प्रमोद तीर्थया म्ये

राग:- सौरथ

ताल:- परताल

दानासुर दैत्य पातालनं थाहां बिज्यात ॥ धु० ॥
 वागमति रत्नावति प्रमोद तीर्थसं ॥
 पद्म धवल नागराजा वास याना चवनथास ॥ १ ॥
 तारण तया अन जपतप ध्यान याना ॥
 इन्द्राशन दगेजुया अपसरा अनवया ॥ २ ॥
 प्याखं हुया धन चुइका तपस्या मजीके धका ॥
 तपस्यानं जीतेयाना देवलोक हतेयाना ॥ ३ ॥
 ब्रम्हा विष्णु महेश्वर बुद्धया शरणे वना ॥
 बुद्ध नं दैत्ययात शान्त याना तीरे छवत ॥ ४ ॥

सुलक्षण तीर्थया म्ये

राग:- श्री

ताल:- परताल

प्रत्येक बुद्धया आज्ञान ॥ धु० ॥
 कुशीनगर देशया रत्नाकर माहाजनया पुत्र व अलछीना जुया ॥
 राजा या मन्त्री या पुत्र निम्ह अलछिन्हां जुया चवन ॥ १ ॥
 लोक दक्को हाहाकार जुल वा मगाना देश उपदर जुल ॥
 वने धका दुख जुइका खवया खवया फोना जुजुं तीरे थ्यन ॥ २ ॥
 वाक्यमति चारोमति सुलक्षण तीर्थसं
 सहा पद्मधवल नागराजा ॥
 तीर्थसं सेवा यायां सुलक्षण जुयकाव देशे वया ॥ प्रत्येक ॥ ३ ॥
 राजाया मन्त्रीया पुत्र निम्ह तीरे यना
 सुलक्षण याना जीनं हया ॥
 देशसुवीक्षजुल सुलक्षणी तीर्थसं
 मृतुजुया तीर्थक देव पुत्र जुल ॥ ४ ॥

जये तीर्थया म्ये

राग:- मालश्री

ताल:- जति

फलचवोमाजु बसुन्धरा देविनं पुत्र वरदान बिल रे ॥ ध्रु० ॥
पातालसं चवनम्ह दानव दैत्यया भाज्य नाप कलह जुल रे ॥
दानवया पत्नी नं सहायय मफयाव
वागमति तीरसं बिज्यात रे ॥ १ ॥
तीर्थसं सेवा याना वालुवा कया चैत्य थाना
जप तप ध्यान याना चवन रे ॥
देवी बसुन्धरा प्रशन्नजुयाव प्रभावति व्हनकावविल रे ॥ २ ॥
वागमति प्रभावति जय ज्वीगु तीर्थसं
श्री कान्ती नागराजा वास रे ॥
दानव दैत्यया थव इस्त्री मदयाव वागमति तीरे मालजुल रे ॥ ३ ॥
दानव दैत्यनं तीर्थसं सेवा याना थव इस्त्री पुत्री यात खन रे ॥
तीर्थया प्रभावनं चतुरवर्ग फल लाना
जये जये जुयकाव चवन रे ॥ ४ ॥

मणिचूडया म्ये

(मणिचूड ग्वारा)

शाक्येकेतु नगरसं मणिचूड महाराजा
वया पत्नी पद्मावति वया पुत्र पद्मोदर

राग:- श्री

ताल:- लंता

मणिचूड महाराजा प्रभुं मणिदान याना व बिज्यात ॥ ध्रु० ॥
भवभूगती ऋषियात धर्मदान याय धका ॥
निरधना जज्ञयात जज्ञदथुं राक्षस वल थव लाहि मांसदानयात ॥ १ ॥
जज्ञ पूर्णयाना भद्रगिरी दान यात
दुरुपसराजाखना अभिमान याना वन भद्रगिरी किसिमवियाव ॥ २ ॥
मणिचूड पर्वते तपस्या याना बिज्यात ॥
मारिन्ची ऋषियात पद्मावति पद्मोदर दानयाना मनथिर यात ॥ ३ ॥
दुरुपस राजा वया संग्रामनं त्याके धका ॥
पद्मोदर राजानाप संग्रामन वुतकाव विरहनं थव राज्य वन ॥ ४ ॥
दुरुपस राजाया थाय् महामायरी रोग जुल ॥
मणि दान बिया छुवत मणिलिंगदहनसं सुखावति वासलाना वन ॥ ५ ॥

जिमिगु धापु

थव ज्यापु महागुथि या सांस्कृतिक, सामाजिक, धार्मिक
सम्बन्धि, सुनं मनुखं नखः चखः, रितिथिति, नसा त्वंसा, भेष भुषा
आदि सम्बन्धि न्हापा छेलावया च्वंगु आः तनावने धुंकुगु वा तनावने
त्यंगु खं त सुनानं च्वयातःगु मुनातःगु वा अनुसन्धान यानातःगु दःसा
थुकियात संरक्षण, सम्बर्द्धन व प्रचार प्रसार याना यंकेंगु नितिकथं
सफूति, गुगु भिनिगु तिर्थय् परम्परां निसें मोलल्हया छु छु पुण्य लाइगु
खः थुकेच्वंगु म्ये क्यना च्वंगु दु ।

थजागु म्ये मुना ग्वाहाली यानादिम्ह कोहिटी त्वाया भाजु
श्री त्रिरत्न महर्जन ज्यू यात सुभाय् छछाना वयक यागु कुतःयात कदर
यासे थव सफू पिथना च्वना ।

पिकाक

ज्यापू महागुठी

का.न.त.स. यें ।